



Fasnacht 2023

S manglet

Mer hän welle starte
Unsere Waage go entarte
Ohni Ruggsicht uf d Neegel haue
Gstalte, wärggle, sääge, baue
Und ganz vyl Fleechi moole
E Sujet usspiele, ganz unverhoole

Doch nomene Zyttli
Maint vom OBI s Gryttli
Es haig das nimme und säll
Suechs naime anders, gäll
Dr Waagebauchef isch ganz baff
Und fyyhlt sich wie dr letschti Aff

Derby hän mer gross afo plaane
Vo hinte bis ganz vorne aane
Nit isch! Fertig Material!
Kasch hai go! Scheiss egal
Fertig mit grundiere und scheen striiche
Die erschte Kollege dien scho abschlyyche

Dr Putin marschiert in d Ukraine y
Und scho isch es mit Yberfluss verby
D Chinese mache dicht ihri Gränze
Dien kaini Chips me kredänze
Mer maine nid die zum kaue
Sondern die zum Elektro-baue

Unser Material liggt ime Container
D Chence, dass es kunn, immer glainer
Denn drait au no e Schiff e Pirouette
Jetzt isch dr Verkehrsstrom nimmi z glette
Unser Material isch irgendwo
Verloore im Nirgendwo

Well nit me git zem baue, zem moole und zem due
Sind wieder zwai wäg und löhn die andere in Rued
Und ich schrieb jetzt au nimmi wytter
Bi dääne Pepierpriise und ächt...
Bleistift hets au kaini me...
Ych gang au...